

S T A T U T A

E L E E M O S Y N A R I Æ

S I V E

H O S P I T A L I S,

Sancti J O H A N N I S B A P T I S T Æ,

I N

K I R K B Y - R A V E N S W A T H.

Conditæ per J O H A N N E M D A K Y N, L. L. D.

A N N O D O M I N I 1556.

T O R K:

PRINTED BY W. BLANCHARD. M DCC LXXXVI.

5. 11. / P / HOS

61618 / P



346286

LICENTIA AD ERIGENDUM.

LICENTIA Dominorum Regis et Reginae Angliæ, Johanni Dakyn, Clerico concessa ad erigendum Hospitale sive Eleemosynariam, in honorem Sancti Johannis Baptistæ, intra parochiam de Kirkby-Ravensth.

Philippus et Maria Dei gratia Rex et Regina Angliæ, Franciæ, Neapolis, Jerusalem, et Hiberniæ, Fidei Defensores, Principes Hispaniarum et Siciliæ, Archduces Austriæ, Duces Mediolani, Burgundiæ, et Brabantiae, Comites Hasburgi, Flandriæ, et Tirolis, omnibus ad quos præsentis literæ pervenerint, salutem. Sciatis, quod nos de gratiâ nostrâ speciali, ac ex certâ scientiâ et mero motu nostris concessimus et licentiam dedimus, ac per præsentis concedimus et licentiam damus pro nobis, hæredibus nostris, et successoribus nostris,

quantum in nobis est, Johanni Dakyn legum doctori, rectori ecclesiæ parochialis de Kirkby-Ravenfwath, in comitatu nostro Eboracensi, archidiaconatus Richmondiæ Cestrensisque diæceseos ; quod ipse, hæredes, executores, vel assignati sui, vel aliquis, aut aliqui eorundem ad puerorum et juvenum educationem et eruditionem, pauperum quoque et egenorum sustentationem et relevamen, quandam scholam five Domum Eleemosynariam five Hospitale in honorem Sancti Johannis Baptistæ, in Kirkby-Ravenfwath, prædictâ prope cæmeterium dictæ ecclesiæ parochialis de Kirkby-Ravenfwath prædictâ de duobus gardianis, uno præceptore five magistro scholarium in arte grammaticali sufficienter docto et perito, ac certis aliis pauperibus infirmis et egenis, juxta et secundum ordinationes, statuta, et foundationem, per ipsum, Johannem Dakyn, hæredes, executores, aut assignatos suos, vel aliquem eorundem in hac parte fienda, stabilienda, et ordinanda, de hujusmodi gardianis, præceptore five magistro, pro pueris, juvenibus, pauperibus five egenis instruendis, eru-

erudiendis, sublevandis, et sustentandis, facere, fundare, erigere, creare, et stabilire possit vel possint, perpetuis futuris temporibus duraturam; et quod dictus Johannes Dakyn, hæredes, executores, et assignati sui, et eorum cujuslibet de tempore in tempus ordinare, condere, et fundare possint, et quilibet eorum possit ordinare, condere, et fundare ordinationes, regulas et statuta pro bono et saluberrimo regimine dictorum pauperum, scholarium, et guardianorum, puerorum, et infirmorum dictæ domus sive Hospitalis quoties opus et necesse fuerint; et quod dicta Schola sive Domus Eleemosynaria sive Hospitale, cum sic per præfatum Johannem Dakyn, hæredes, executores, vel assignatos suos erecta, fundata, constructa, ac stabilita fuerit, Schola sive Domus Eleemosynaria sive Hospitale, Sancti Johannis Baptistæ de Kirkby-Ravensthorpe perpetuo vocetur, nominetur, et nuncupetur: Et quod dicti duo gardiani, præceptor, sive magister scholarium et pauperes et egeni ibidem, et eorum successores quicumque, quando eadem Domus Eleemosynaria sive Hospitale,

sic fundata, creata, erecta, et stabilita fuerit, sint in re et nomine unum corpus incorporatum et una communitas perpetua; habeantque successionem perpetuam in perpetuum; quodque dicti duo gardiani præceptor sive magister scholarium et pauperes prædicti per nomen et sub nomine gardianorum, præceptoris sive magistri scholarium et pauperum Eleemosynariæ sive Hospitalis Sancti Johannis Baptistæ de Kirkby-Ravensthwaith, placitare possint et implacitare; nec non omnes et omnimodas actiones, sectas, querelas, debita, demanda, et causas quascunque tam reales, quam personales et mixtas cujuscunque generis fuerint, vel naturæ, coram quibuscunque iudicibus spiritualibus et temporalibus, ac aliis iusticiariis secularibus, et personis quibuscunque, sectari, prosequi, placitare et implacitare ac in eisdem respondere et responderi, easque defendere possint et quilibet eorum possit; prædicti quoque duo gardiani, præceptor sive magister scholarium et pauperes dictæ Eleemosynariæ sive Hospitalis Sancti Johannis Baptistæ de Kirkby-Ravensthwaith, et eorum suc-

successores sint personæ habiles et capaces
 in lege, jure, et nomine dictæ Eleemosyna-
 riæ sive Hospitalis ad quæcunque, terras,
 tenementa, redditus, reversiones, servitia,
 decimas, oblationes, ecclesiarum, et vica-
 riarum parochialium, advocaciones, et pa-
 tronatus, capellas, cantarias, libertates,
 franchises, privilegia, et alia emolumenta,
 possessiones, hæreditamenta, catalla, res,
 bona mobilia et legata quæcunque tam
 per præfatum Johannem Dakyn, hæredes,
 executores, et assignatos suos, quam per
 alias quascunque personas piâ eorum largi-
 tione et liberalitate in augmentum præ-
 missorum danda, donanda, leganda, et
 elargienda, perquirenda, recipienda, adi-
 piscenda, et acceptanda; ac ea sic data,
 donata, legata, elargita, perquisita, recepta,
 adepta, et accepta, in usus proprios dictæ
 Eleemosynariæ sive Hospitalis, ac gardia-
 norum, præceptoris, sive magistri schola-
 rium, ac pauperum ibidem, et successorum
 suorum, habenda, convertenda, utenda,
 retinenda, gaudenda, et possidenda, in per-
 petuum, licet a nobis in capite vel aliter
 immediate teneantur vel aliqua eorum par-
 cella

cella teneatur juxta et secundum promissionem in statuto Parliamento nostri Angliæ inchoati duodecimo die mensis Novembris annis regnorum nostrorum primo et secundo de terris ad manum mortuam intra viginti annos jam proxime futuros ponendis et alicui loco spirituali jam erecto vel in posterum erigendo, conferendis, editam ; et quod iidem gardiani, præceptor, sive magister scholarium, et pauperes Eleemosynariæ sive Hospitalis, prædicti unum habeant sigillum commune ad negotia dictæ Eleemosynariæ sive Hospitalis agenda et tractanda deserviturum. Et ulterius de ampliori et abundantiore gratiâ nostrâ speciali concessimus, et licentiam dedimus, ac per præsentem concedimus et licentiam et auctoritatem damus pro nobis et hæredibus nostris quantum in nobis est præfato Johanni Dakyn quamdiu vixerit, et post ejus mortem, hæredibus, executoribus, et assignatis suis, in ipsius testamento sive ultimâ voluntate ad hoc specialiter assignatis et deputatis, et eorum cuilibet, quant^{um} ipsi vel aliquis eorundem statuta, ordinationes, constitutiones, et provisiones pro

pro bono regimine et gubernatione, tam dictæ Eleemofynariæ five Hospitalis Sancti Johannis Baptistæ de Kirkby-Ravenfworth, quam gardianorum, præceptoris, five magistri, scholarium, puerorum, juvenum, pauperum five egenorum hujusmodi, et succefforum fuorum perpetuis futuris temporibus duratura juxta et secundum sanam ipsius vel ipforum discretionem et conscientiam edere, condere, constituere, et stabilire; ac ea (si ita commodum visum fuerit) pro tempore, et causâ, opportunitate, mutare, corrigere, emendare, et reformare possit et valeat, possintque et valeant eorum quilibet pro libiti voluntate. Quæ singula præmissa per nos, ut præmittitur, concessa in futurum fiant absque aliquo fine five feodo magno five parvo in hanaperio cancellariæ nostræ seu alibi ad opus nostrum seu hæredum nostrorum pro præmissis reddendis solvendis vel faciendis. Et absque aliquo brevi de “*ad quod damnum*,” five aliquo alio brevi, seu processu extra curiam cancellariæ nostræ vel alibi in eâ parte impetrando, five prosequendo. Et absque aliqua inquisitione
inde

inde capiendâ et in cancellariam nostram retornandâ : Aut aliquo alio statuto, actu, ordinatione, provisione, sive restrictione in contrarium inde antehâc factâ ordinatâ sive provisâ, aut aliquâ aliâ re, causâ vel materiâ quâcunque in aliquo non obstante. In cujus rei testimonium has literas nostras fieri fecimus patentes. Testibus nobis ipsis apud Westmonasterium vicesimo sexto die Octobris, annis regnorum nostrorum secundo et tertio.

ERECTIO

ERECTIO Hospitalis five Eleemosynariæ Sancti Johannis Baptistæ de Kirkby-Ravensth, virtute licentiæ prædictæ per Johannem Dakyn, rectorem ibidem, facta sequitur sub hac verborum serie :

In Dei nomine. *Amen.* Mortalium vitam mortalia, ut plurimum curantem ab eâ, quæ sempiterna est, nonnihil distare, imo contrariam esse, tam sacrae paginae testimonia, quam Apostolorum et apostolicorum virorum demonstrant; quod illa mundanas vanitates usque adeo deridendas quasi in seculo perpetuo mansura, hæc velut cito abhinc transitura cœlestia cupiat contemplari, nedum in illis in æternum permanere: Ego igitur, Johannes Dakyn, rector ecclesiæ parochialis de Kirkby-Ravensth, in comitatu Eboracensi, archidiaconatus Richmondiæ, Cestrensisque diœceseos

æceſeos, hujus, inconstantis ſeculi fluctibus
 nunc huc, nunc illuc multum diu agitatus,
 nihilque firmum inter ipſius vanitates ani-
 madvertens, ſed certiffime ſciens mortem
 ex æquo omnibus imminere, et exitus mei
 die nihil eſſe incertius; errores, ignoran-
 tias, et peccata mea quam graviffima ex
 animo deſlere, et juventutis meæ habenas
 diutius ſolutas jam tandem ſtringere, ac in
 æternæ quietis portum deduci deſiderans:
 Ipſa mea peccata, qua poſſum, Eleemoſy-
 nariæ largitione de bonis mihi a Deo col-
 latis, et meæ villicationi ab aliis concedi-
 tis, expianda redimendaque decrevi. Cum
 enim per excellentiſſimos et illuſtriſſimos
 Principes et Dominos Philippum et Ma-
 riam, Regem et Reginam Angliæ, Franciæ,
 Neapolis, Jeruſalem, et Hiberniæ, Fidei
 Defenſores, Principes Hiſpaniarum et Sici-
 liæ, Archiduces Auſtriæ, Duces Mediolani,
 Burgundiæ, et Brabantæ, Comites Haſ-
 purgi, Flandriæ, et Tirolis, per eorum Li-
 teras Patentes eorum magno ſigillo ſigillatas,
 ſubdatas apud Weſtmonaſterium viceſimo-
 ſexto die Octobris, annis regnorum ſuo-
 rum ſecundo et tertio, mihi præfato Jo-
 hanni

hanni Dakyn inter cætera sit concessum, quatenus Ego, hæredes, executores, aut assignati mei, vel aliquis aut aliqui eorundem ad puerorum et juvenum educationem, et eruditionem, pauperum quoque et egenorum sustentationem et relevamen, quandam Scholam sive Eleemosynariam Domum sive Hospitale, in honorem Sancti Johannis Baptistæ, in Kirkby-Ravensthwaith prædictâ, prope cœmeterium ejusdem ecclesiæ parochialis de Kirkby-Ravensthwaith, de duobus gardianis, uno præceptore, sive magistro scholarium, in arte grammaticali sufficienter docto et perito; ac certis aliis pauperibus, infirmis, et egenis, juxta et secundum ordinationes, statuta, et fundationem, per me, hæredes, et executores, aut assignatos meos, vel aliquem eorundem in hac parte fienda, stabilienda, et ordinanda, de hujusmodi gardianis, præceptore, sive magistro, pro pueris, juvenibus, pauperibus sive egenis instruendis erudiendis sublevandis et sustentandis facere, fundare, erigere, creare, et stabilire possim vel possint perpetuis futuris temporibus duraturam: Et quod Ego, dictus Johannes Dakyn, hæ-

B

redes,

redes, executores, et assignati mei, et nostrorum cujuslibet, de tempore in tempus ordinare, condere, et fundare possim et quilibet nostrorum, possit, ordinare, condere, et fundare ordinationes, regulas, et statuta, pro bono et saluberrimo regimine dictorum pauperum, scholarium, et guardianorum, puerorum et infirmorum dictæ Domus sive Hospitalis, quoties opus et necesse fuerint; et quod dicta Domus Eleemosynaria sive Hospitale, cum per me, hæredes, executores, aut assignatos meos erecta, fundata, et stabilita, fuerit Schola sive Domus Eleemosynaria sive Hospitale, in honorem Sancti Johannis Baptistæ, de Kirkby-Ravenfswath perpetuo vocetur, nominetur, et nuncupetur; cæteraque de eorum gratiâ speciali fecerint, licentiam dederint, concesserint, elargiti fuerint et decreverint, prout in eorum dictis literis patentibus plenius apparet; Ego, igitur, prædictus Johannes Dakyn, hujusmodi licentiâ et concessione fretus pro bonâ et felici dictæ Eleemosynariæ sive Hospitalis perpetua gubernatione et conservatione statu-

statuendum et ordinandum, duxi sub eo qui sequitur tenore verborum.

I.

Nominatio Eleemosynariæ, et quod vocetur Eleemosynaria Sancti Johannis Baptistæ, de Kirkby-Ravensth.

IN primis, volo, ordino, et statuo, quod domus prope ecclesiam parochialem de Kirkby-Ravensth, prædictâ impensis meis jam noviter constructa et ædificata, deinceps sit et perpetuò maneat Eleemosynaria sive Hospitale, et quod vocetur Eleemosynaria sive Hospitale Sancti Johannis Baptistæ prædicti. Quodque ejusdem Eleemosynariæ sive Hospitalis duo sint gardiani laici et seculares de gravioribus et honestioribus parochianis domicilia soventibus et inhabitantibus dictæ parochiæ de Kirkby-Ravensth assumendi, et per me quamdiu vixero ad libitum meum nominandi deputandi et quoties mihi visum fuerit, amovendi. Dictique duo gardiani post mortem meam quolibet biennio

in feſto decollationis Sancti Johannis Baptiſtæ modo infra ſcripto eligentur eruntque amovibiles ; qui duo gardiani curam et cuſtodiam Eleemoſynariæ ſive Hoſpitalis prædicti pro futuro tunc biennio ſollicite gerant et ſubeant, prout inferius declarabitur.

II.

Statuta pro Gardianis. Modus eligendi Gardianos, et eorum Juramentum.

ITEM, volo, ordino, et ſtatuo, quod Wilſimus Smithſon et Johannes Brignall ſint primi dictæ Eleemoſynariæ ſive Hoſpitalis gardiani : Et quod, poſt mortem meam, in dicto feſto decollationis Sancti Johannis Baptiſtæ, rector, vicarius, vel parochus dictæ eccleſiæ parochialis de Kirkby-Ravenſwath tunc præſens, et ſcholæ ibidem ludimagiſter, adjunctis ſibi ſex de gravioribus et honeſtioribus ejusdem parochiæ, ut præfertur, parochianis, quos dictus rector, vicarius, vel parochus, et gardiani dictæ eccleſiæ parochialis in dictâ eccleſiâ
forte

forte præsentēs vel major pars eorundem duxerit eligendos, et non pluribus (exclusis etiam antiquis gardianis) in aulâ superiori dictæ Eleemosynariæ sive Hospitalis simul conveniant; et ostio de intus clauso dictorum sex virorum nomina et cognomina separatim ejusdem formæ schedulis scripta, ac rotundâ cerâ ad modum pilarum ejusdem quantitatis conclusa et involuta in urnam sive ollam coopertam et clausam simul mittantur: Dictus quoque rector, vicarius, vel parochus duas de prædictis pilis, quas fors obtulerit, de prædictâ urnâ extrahet et aperiet. Post quarum pilarum aperturam illi duo viri quorum nomina in ipsis duabus schedulis sic extractis conscribuntur, gardiani erunt persequens tunc biennium et non ultra; qui statim antequam dictâ aulâ exeant juramentum præstabunt, tactis per eos et deosculatis sacro-sanctis Dei Evangeliiis coram dicto rectore, vicario, vel paracho illud ministrante in formâ sequenti videlicet:

Furamentum Gardianorum.

I, N. do swear by the holy contents of this book, that, during the time of mine office, I shall truly administer the goods of this Alms-house or Hospital, according to the statutes and ordinances of the same now made, or hereafter to be made ; and shall gather the rents, legacies, and other commodities thereunto belonging, from time to time, as they shall be due, and make a true accompt of the same in writing, to be registered in the common book thereunto appointed, within twenty days next after I shall depart from this office, before the next wardens, the rector, vicar, or parish priest, and the schoolmaster of the grammar school for the time being ; giving competent warning before, openly in the parish church, of the day of mine accompt ; and, furthermore, shall make a perfect inventory, indented, of all the goods of the said Alms-house, with all the money and other profits that then shall remain, and deliver the keys pertaining to
the

the same, and of the chests thereof, within the said twenty days, to the hands of the next wardens; and duly observe and keep all such statutes of the house which concern me. So help me God, and the holy contents of this book.

III.

Alius Gardianus loco recusantis seu demortui eligendus.

ITEM, volo, ordino, et statuo, quod si dicti duo gardiani, sic in posterum eligendi, vel eorum alter officium prædictum subire recusaverit, ille sic recusans viginti denarios ad usum Eleemosynariæ sive Hospitalis, ante ejus e domo egressum persolvat, et alius de prædictis quatuor parochianis loco recusantis tunc præsens simili modo, quo supra, videlicet per extractionem pilæ, schedulæ inclusæ eligatur. Et si ambo vel eorum alter ante finitum biennium (quod absit) mortem obire contigerit, alii vel alius simili formâ intra decem dies tunc sequentes eligendus defuncti vicem suppleat.

IV.

IV.

*Quod nullus illorum quatuor sorte Repul-
sorum sequenti Biennio eligatur aut
sumatur.*

ITEM, volo, ordino, et statuo, quod reli-
qui quatuor viri quorum nomina cerâ con-
clusa in urnâ post prædictos duos sorte, ut
prædicatur, extractos remanserint, in prox-
imâ electione sequenti biennio fiendâ per
dictum parochum et gardianos non eli-
gantur aut sumantur, sed in quartum ex
tunc sequentem annum (si ad hoc idonei
tunc fuerint) quiete permaneant, eorum
electionem et sortem æquo animo et sine
murmure expectaturi.

V.

De Gardianorum Stipendiis et Compoto.

ITEM, volo, ordino, et statuo, quod
uterque dictorum duorum gardianorum
post redditam suam de receptis et expositis
rationem et compotum in formam in præ-
scripto

scripto juramento declaratam (in cujus compoti redditione nullus parochianorum de Kirkby, volens interesse, aliquo modo excludatur) decem solidos pro utroque anno administrationis suæ, videlicet, viginti solidos pro ipsis duobus annis per manus novorum gardianorum allocabuntur et habebunt præter et ultra omnes expensas utiles et necessarias. Quod si, inter reddendam dictam rationem dubium aliquod vel aliud quicquid dictæ Eleemosynariæ sive Hôspitale, damnosum emerferit, quod novorum gardianorum, rectoris, vicarii, vel parochi, et ludimagistri discretionem et industriâ discuti nequeat et terminari, iidem novi gardiani hoc loci Ordinario intra quadraginta dies proxime sequentes studiosè referent, et curabunt quatenus dicti antiqui gardiani de eorum gestis coram dicto Ordinario personaliter propriis eorum expensis respondeant juxta formulam ecclesiæ; Quia contingit de religi domi.

VI.

Statuta Ludimagistrum concernentia sequuntur.—De Forma electionis Ludimagistri; et ejus Officio, Stipendio, et Furamento.

ITEM, volo, ordino, et statuo, quod Dominus Richardus Cook, sacerdos, sit primus in dictâ Eleemosynaria ludimagister, ad libitum meum, quoad vixero, amovendus: Et quod post mortem meam, quoties officium ludimagistri prædicti per mortem, privationem, promotionem, aut alio quovis modo vacare contigerit, duo gardiani prædicti, cum rectore, vicario, vel parochio dictæ ecclesiæ parochialis de Kirkby-Ravenfswath; ac duobus ad minus gardianis, ejusdem ecclesiæ parochialis simul conveniant de alio ludimagistro collocuturi. Et illi omnes vel eorum major pars alium in demortui vel amoti locum substituant, nempe virum honestum, irreprehensibilem, in ordine sacerdotali constitutum, non religiosum, nullibi saltem cum curâ animarum

rum

rum beneficiatum, neque officiatum, doctum et in arte grammaticâ peritum, qui pueros ipsius parochiæ de Kirkby-Ravenwath, et alios ad se confluentes gratis docebit, et in grammaticâ, rhetoricâ, et metro pro cujusque pueri ingenii capacitate instru^a et informabit diligenter. Quod si dicti duo gardiani et alii prænominati intra sexaginta dies a die mortis, privationis, seu promotionis hujusmodi illam substitutionem facere neglexerint, ex tunc substitutio hujusmodi ad Decanum et Capitulum Eboraci (modo ipsi intra triginta dierum spatium a tempore notitiæ id perficiant) pertinebit. Et si ipsi intra dictos triginta dies præmissa facere neglexerint, ex tunc provisio et ordinatio dicti ludimagistri ad Episcopum Cestrensem, (sede plenâ) vel ad Decanum et Capitulum ibidem (sede vacante) illâ tantum vice devolvatur. Dictusque ludimagister novem libras quolibet anno ad quatuor anni terminos, videlicet, ad Festa Annunciationis Beatæ Mariæ Virginis; Nativitatis Sancti Johannis Baptistæ; Michaelis Archangeli; et Nativitatis Domini—per æquales portiones per manus dicto-

dictorum duorum gardianorum, de redditibus et proventibus dicti Hospitalis, pro salario sive stipendio suo percipiet et habebit. Atque intra septem dies post susceptum officium coram gardianis, rectore, vicario, vel parochio, hoc sequens præstabit juramentum, videlicet :

Juramentum Ludimagistri.

I, N. do swear by the holy contents of this book, that I shall freely, without exacting of any money or other gains, diligently instruct and teach the children of this parish, and all other that shall resort unto me, in grammar and other humane doctrine, according to the statutes thereof made; and I shall not read unto them any corrupt or reprobate books or works, set forth at any time contrary to the determination of the universal Catholic church, whereby they might be infected in their youth with any kind of heresy or corrupt doctrine, or be induced to an insolent manner of living; and further, shall observe all the statutes of this Alms-house or

*to the Doctrines of the Church.
of the united Kingdom of En-*

Hospital, now made, or hereafter to be made, which concern me, and do nothing to the prejudice thereof, but help to maintain the same from time to time, during mine abode herein, to the best of my power. So help me God and the holy contents of this book.

VII.

De Ludimagistro post ipsius Promotionem amovendo.

ITEM, volo, ordino, et statuo, quod si dictus ludimagister, post hujusmodi electionem, tempore regiminis dictæ scholæ cum curâ animarum beneficiatus extiterit, vel alicui officio, ministerio ecclesiastico vel seculari se immiscuerit, quod ex tunc intra unius anni dimidium a dictæ scholæ regimine prorsus discedat, et gardianis ac aliis prædictis libera sit in formâ prædictâ alium ludimagistrum suo loco substituendi et deputandi facultas.

VIII.

*De Missis et Suffragiis per Ludimagistrum
in Ecclesia dicendis.*

ITEM, volo, ordino, et statuo, quod singulis diebus dominicis et festivis et ad minus bis in hebdomadâ (nisi justo sit impeditus impedimento) dictus ludimagister missam ad altare Sancti Johannis Baptistæ, intra dictam ecclesiam parochialem de Kirkby-Ravensthwaith situm, celebrabit. In qua pro felici statu et salute excellentissimorum principum Dominorum nostrorum Philippi et Mariæ Regis et Regina Angliæ, meique Johannis Dakyn, et Georgii Dakyn, Armigeri, ac aliorum mei ac dictæ Eleemosynariæ sive Hospitalis benefactorum, dum vixerimus ; et post nostrum mortem pro animabus nostris et potissimum pro animabus Willimi Knight, olim Bathoniensis et Wellensis Episcopi (de cujus bonis præsens hæc recepit fundamentum Eleemosynaria); Christophori Dakyn, Presbyteri ; Thomæ Leghe, Militis ; Roberti Holgate, nuper Eboraci Archiepiscopi ;
Cuth-

Cuthberti Walker, laici ; et parentum nostrorum, ac mei, et dictæ Eleemosynariæ defunctorum quorumcunque, divinam miserationem interpellabit : Idemque ludimagister “ Placebo et Dirige,” cum animarum recommendatione, et missâ “ de Requiem” pro dictis animabus semel quolibet mense, præter suffragia prædicta intra præfatam ecclesiam celebrabit.

IX.

De Suffragiis per Ludimagistrum in Schola dicendis ; et de Ministerio suo circa Curam Parocho exhibendo.

ITEM, quod dictus ludimagister quolibet mane quam primum scholam docendi gratiâ ingrediatur psalmum, “ Deus misereatur ;” una cum “ Kyrie eleëison ;” et “ Oratione Dominica ;” ac “ Salutatione Angelica,” pueris alternatim respondentibus, cum suffragiis et collectis, “ Domine, sancte pater, et de spiritu sancto,” distinctâ voce personabit. Et rursus, sub suum a dictâ scholâ recessum, quâlibet vesperâ, decantatâ

cantatâ prius unâ vel alterâ antiphonâ de Trinitati, cum versiculo et collectâ congruentibus, postea psalmum, “ de Profundis,” cum collectis, “ Deus qui inter Apostolicos Sacerdotes famulos tuos Willimum et Robertum, &c.” ac “ miserere quos Dominus” similiter recitabit. Idem quoque ludimagister quoties parochus dictæ ecclesiæ parochialis de Kirkby-Ravensthwaite momentaneo morbo laborare, vel sacramentorum et sacramentalium ministrati-
onis causâ intra eandem parochiam occupari contigerit, tam in missarum et aliorum divinorum officiorum intra dictam ecclesiam parochialem celebratione, quam in sacramentorum et sacramentalium celebratione intra eandem parochiam, quoties, ut præfertur, evidens imminebit necessitas, loco et vice parochi prædicti subserviet diligenter. Nec non singulis diebus Dominicis et festivis superpelliceo indutus, cum pueris suis quotquot ad cantandum apti fuerint in choro dictæ ecclesiæ parochialis intererit, ac in cantibus et aliis necessariis officiis in matutinis, missâ et vesperis, nisi iuste impediatur, deserviet reverenter.

X.

De Ludimagistri absentia sive venia obtenta, vel non obtenta.

ITEM, volo, ordino, et statuo, quod ludimagister antedictus ultra quatuordecim dies in anno, simul vel interpolatim numerandos a dictâ scholâ se non absentabit, et hoc petitâ prius (licet non obtentâ) a dictis gardianis vel uno eorundem licentiâ. Nec extra cubiculum suum, cum infra parochiam fuerit, pernoctabit, vel alias se sine licentiâ petitâ et a dictis duobus gardianis ac rectore, vicario, vel parrocho obtentâ aliquo unquam tempore ultra triginta dies in anno absentabit. Quod si fecerit, vel in exequendo officio negligens aut remissus fuerit, et semel atque iterum, separatis tamen vicibus per viginta dies invicem distantes, monitus per gardianos simul existentes ad se reformandum, non emendaverit, sed tertio deliquerit, ex tunc dicto suo officio ipso facto sit privatus: Ita quod bene licebit dictis duobus gardianis et aliis

supra nominatis (eo non vocato) alium ludimagistrum post viginti dies secundam monitionem sequentes sub formâ prædictâ assumere et providere.

XI.

De Ludimagistro criminoso per Ordinarium corrigendo, et, si opus fuerit, amovendo.

ITEM, volo, ordino, et statuo, quod si dictus ludimagister lusibus aut potibus nimium deditus, vel aliquo alio crimine, quod ecclesiasticâ egebit coercitione five correctione, notatus fuerit, detectus aut infamatus, hoc per loci Ordinarium secundum juris ecclesiastici normam et canonicas sanctiones expiabitur, et si criminis quantitas id exegerit, per loci Ordinarium ab officio amovebitur.

XII.

XII.

Qui Authores per Ludimagistrum Scholaribus legendi et tradendi ; et quibus Horis sit docendum.

ITEM, cum juvenilis ætas ad malum sit prona, et, ut scribit Flaccus, quo semel est imbuta recens servabit odorem testa diu ; volo, ordino, et statuo, quod ludimagister prædictus hoc cum primis curatum habeat, ut puerorum mores probe et decenter componat. Et eos ab omni furto, mendacio, juramento, et turpiloquio strictius cohibeat. Nec non eos authores pueris ipsis interpretetur et legat, quæ virtutem, pietatem et civilitatem, moralem scientiam, et non lasciviam seu petulantiam inducant. Puto, in hoc regno Angliæ magis frequentem et usitatum Decalogum in Latino ; Catonem ; Æsopi Fabulas ; Ciceronem de Officiis, de Amicitia et de Senectute, ac ipsius Epistolas ; Salustium ; item Virgilium ; et Terentium ; ac id genus alios, habitâ interim pro cujusque pueri ætate et capacitate, ratione et discretionem congruenti.

gruenti. Idemque ludimagister quolibet die feriato saltem ab horâ sextâ in aurorâ in æstâte, et septimâ in hyeme docere incipiet. Et sic docendô in undecimam (nisi missæ celebratione cui omnes pueros superiores precaturos interesse volo) permanebit. Illud idem a prandio ab horâ primâ in sextam in æstâte et quintam in hyme diligenter facturus.

XIII.

Quod hæc Statuta semel quotannis per Ludimagistrum publice legantur et exponantur.

ITEM, volo, ordino, et statuo, quod omnia et singula statuta nunc edita et post-hac per me vel alios auctoritate legitimâ edenda in festo Sancti Hieronymi, videlicet, ultimo die Septembris quolibet anno per dictum ludimagistrum in præsentia dictorum duorum guardianorum, rectoris, vicarii, vel parochi, hypodidascali, scholarium, et pauperum in dictâ Eleemosynariâ sive Hospitali tunc degentium in aulâ dicti Hospi-

Hospitalis, indicto prius silentio, publice legantur, et per eundem ludimagistrum in vulgari ut omnes suum officium planius intelligant, fideliter interpretentur et exponantur. Et si dictum festum in Dominicâ contigerit, tunc in crastino sequenti præmissa exequantur.

XIV.

De Præsentatione Ludimagistri ad Vicarium de East-Cowton, post Decennium facienda.

ITEM, volo, ordino, et statuo, quod cum patronatus de East-Cowton, et vicariæ perpetuæ ibidem Cestrensis dioceseos, quem nuper mihi et hæredibus meis iuste acquisivi modo ad dictam Eleemosynariam sive Hospitale ex meo dono noscitur pertinere, postquam prædictus ludimagister per decennium in dicto suo officio et scholæ regimine laudabiliter se gesserit, et senio forte vel morbo perpetuo gravatus fuerit (modo in dictâ scholâ circa puerorum instructionem, finito decennio, adhuc permaneat)

maneat) cum et quam primum post dictum decennium, ipsam vicariam vacare contigerit, ad eandem per præfatos duos gardianos et pauperes, si eam acceptare voluerit, Ordinario loci præsentetur admittendus. Quod si ipsam vicariam perpetuam acceptare noluerit, vel aliquâ justâ de causâ non potuerit, tum bene licebit dictis duobus gardianis et pauperibus aliquam personam idoneam ad eandem vicariam perpetuam sic vacantem illâ vice præsentare. Ita, videlicet, quod in quâlibet vacatione post decennium expletum dicti ludimagistri fiat optio an eam vicariam velit acceptare.

XV.

De Ludimagistri Morbo perpetuo vel temporali.

ITEM, volo, ordino, et statuo, quod si ludimagister prædictus, pro tempore existens aliqua infirmitate vel defectu temporali, ultra unam mensem aliquando teneatur, quo minus suum officium debite valeat adimplere, alius sacerdos, æque doctus
ho-

honestus et irreprehensibilis (si commode potuerit inveniri) per dictos duos guardianos, quoad ludimagister prædictus convalescerit et non ultra, sumptibus dicti ludimagistri exhibendus præficiatur. Quod si morbus vel defectus prædictus citra ejus culpam perpetuus indicabitur et ad dictam vicariam de East-Cowton toto suæ infirmitatis tempore forte plenam absque ejus facto promoveri non poterit; ex tunc prædicti duo gardiani (eo penitus amoto) alium ludimagistram providebunt, Et tres libras, sex solidos, et octo denarios, durante vita, prioris ludimagistri, vel saltem usque dum ad dictam vicariam de East-Cowton per loci Ordinarium admittatur ad duos anni terminos, videlicet, ad festum Sancti Michaelis Archangeli et Paschæ ex tunc proxime sequentis, de stipendio dicti futuri ludimagistri deducendos,olvere curabunt diligenter.

XVI.

*De Subsidio et Præstatione Ludimagistro
allocandis.*

ITEM, volo, ordino, et statuo, quod si subsidium vel aliqua alia præstatio sit a ludimagistro aliquâ de causâ ordinariâ vel extra-ordinariâ in posterum solvendum: Illud quocunque nomine censeatur de proventibus dictæ Eleemosynariæ sive Hospitalis super-accrefcentibus post reparationes et expensas utiles et necessarias solutas primitus per dictos gardianos ludimagistro allocabuntur. Curabuntque gardiani prædicti, quoad poterunt; quatenus ludimagister prædictus cum integro suo stipendio et proficuis sibi limitatis vitam agat quietam et omni sollicitudine vacuam.

XVII.

XVII.

Statuta Hypodidasalum et Scholares tangencia sequuntur.—De Hypodidascalo per Ludimagistrum præficiendo, et de ejus Salario ac Officio.

ITEM, quo liberius dictus ludimagister officium suum parochio prædicto assistendo exigentibus, ut prædicitur, necessitatibus impendat, volo, ordino, et statuo, quod habeat sub se unum scholarem ad suum libitum eligendum et amovendum (quem hypodidasalum appellari volo) de pauperioribus intra dictam parochiam de Kirkby-Ravenfawth oriundum, modo virtutibus et doctrinâ cum cæteris fuerit præditus, qui cum in præsentia ludimagistri tum in absentia pueros doceat, et ipsum ludimagistrum in omnibus pro posse suo adjuvabit. Idemque hypodidasalus viginti solidos ad Festa Paschæ et Michaelis Archangeli per æquales portiones per manus dictorum duorum gardianorum pro salario suo percipiet. Et quoties ludima-

D

gister

gister prædictus morbo fuerit gravatus, (modo morbus mensem non excedat) vel ipsius ludimagistri officium vacaverit pueros dictæ scholæ, quoad dictus ludimagister convaluerit, vel alius præficiatur, per se docebit. Necnon duos solidos qualibet hebdomada tempore morbi vel vacationis huiusmodi pro labore suo percipiet, præter et ultra salarium suum memoratum. Huiusmodique hypodidasculus ultra triennium in prædicto suo officio non permanebit. Sed alius post triennium, vel intra, si ludimagistro visum fuerit, deputabitur.

XVIII.

De Scholaribus protervis et absentibus Pun- niendis.

ITEM, volo, ordino, et statuo, quod si quis scholarium in tantam proterviam sive contumaciam fuerit lapsus, ut ludimagistri imperium et ejus moderatam correctionem contemnat, tamdiu a dictâ scholâ expulsus maneat, quoad guardianorum iudicio humiliter ludimagistri correctionem suscipiens resti-

restitutionem mereatur. Et si quis scholarium a dictâ scholâ per triginta dies in anno, cum tempus docendi fuerit, absque causâ rationabili per guardianos et ludimagistrum approbandâ, se absentaverit dictæ scholæ beneficio postmodum perpetuo carebit.

XIX.

De Exercitio Scholarium Diebus Festis et Semi-Festis.

ITEM, volo, ordino, et statuo, quod scholares quotquot infra parochiam de Kirkby-Ravenfswath, moram facere contigerint, singulis diebus festis et semifestis post meridiem ad scholam vel ad ecclesiam pro ludimagistri arbitrio honeste confluant et accedant, scriptioni, epistolarum confecti-
oni, aut alii piæ et religiosæ operæ, et exercitationi, prout temporis opportunitas et ludimagistri discretio dictaverit, vacaturi.

XX.

*Pro Pauperibus Statuta sequuntur.—De
Pauperibus; et eorum Moribus, Stipendio,
et Amotione.*

ITEM, volo, ordino, et statuo, quod Willimus Barthram, sexagenarius, famulus meus, claudus et valetudinarius; Willimus Ramshaw, fenex et cœcus; necnon Agnes Bolton et Margareta Tinkler, infra dictam parochiam de Kirkby-Ravensthwaith oriundi, seu saltem in eâdem per decennium moram facientes, sint primi in dictâ Eleemosynariâ sive Hospitali pauperes, quoad vixerint, modo infra scripto alimentandi sive sublevandi. Et quod alii in futurum pauperes in istorum vel alicujus eorum loco, assumendi vere pauperes sint, ad mendicitatem redacti, et ad minus septuagenarii vel perpetuo morbo laborantes in dictâ parochiâ de Kirkby-Ravensthwaith oriundi, vel saltem qui in eâdem per decennium moram fecere, et in eâdem Eleemosynariâ cubiculis ad hoc paratis pernoctent. Quilibet quoque eorum septem denarios pro hebdomadâ in
fine

fine cujuslibet mensis per eosdem duos guardianos annuatim persolvendos ad eorum usum necessarium percipient et habebunt. Prædicti quoque pauperes parochiam de Kirkby-Ravenfswath mendicandi gratiâ aliquando non exeant. Quod si fecerint, vel litigiosi aut nugatores fuerint, siue dictæ Eleemosynariæ siue Hospitalis statuta, quatenus eos concernant, servare, et guardianis et ludimagistro in omnibus honestis humiliter obedire neglexerint, et desuper diversis tamen vicibus modo et formâ in statuto de ludimagistro propter absentiam expellendo servatis, moniti se non reformaverint, omni dictæ Eleemosynariæ siue Hospitalis beneficio et commodo ipso facto sint privati, et alius privati loco per dictos duos guardianos et ludimagistrum formâ infra scriptâ eligatur et assignetur.

XXI.

*De Pauperum Electione, et eorum Jura-
mento.*

ITEM, volo, ordino, et statuo, quod quoties aliquis pauperum prædictorum aut successorum eorundem mortem obierit vel aliis ex causis præmissis privatus aut amotus fuerit, alius ætate et qualitate præscriptis ejus loco per dictos duos guardianos et ludimagistrum, vel duos eorundem, tertio ad hoc vocato infra quatuordecim dies immediate sequentes omni corruptione et pretio sepositis, præficiatur. Et si illud facere neglexerint, aut pretium aliquod receperint, ex tunc pauper hujusmodi ejiciatur et alterius pauperis præfectio ad rectorem, vicarium, vel parochum dictæ ecclesiæ de Kirkby pertineat illâ vice, modo ille talem absque pretio substituat, qui qualitatibus prædictis sit insignitus. Pauperes vero prædicti hoc subscriptum præstabunt juramentum.

Jura-

Juramentum Pauperis.

I, N. do swear, by the holy contents of this book, that I shall duly observe and keep all the statutes and ordinances of this Alms-house or Hospital, now made, or hereafter to be made, which do concern me; and shall not do any thing that shall be hurtful, or a loss to the same, or be of council thereunto; but maintain the goods and rights thereof, to the best of my power at all times. So help me God, and the holy contents of this book.

XXII.

De Pauperum Officiis, et Laboribus quotidianis.

ITEM, volo, ordino, et statuo, quod pauperes prædicti (nisi infirmitas impedierit) quolibet die infra dictam ecclesiam de Kirkby-Ravenstowth missam audiant, et precibus, quamdiu in ecclesiâ fuerint, insistant. Et pro Eleemosynariæ sive Hospitalis fundatoribus et benefactoribus specialiter

aliter orent. Et si forte nulla in eâdem ecclesiâ aliquo die missa celebrabitur, unam horam integram ante meridiem in dictâ ecclesiâ orationibus, ut supra, diligenter insistant. Reliquam diei partem lanificio pro propriis eorum vestimentis conficiendis, vel alicui honesto labori, unde uberiores sibi victum consequi valeant, modo vires suppetant, vel orationibus, si lubeat, tribuendo.

XXIII.

De Scholæ Mundatione, per Pauperes quotidie facienda.

ITEM, volo, ordino, et statuo, quod unus prædictorum pauperum, qui sospes fuerit, quolibet die in vice vel hebdomadâ suâ scholam prædictam statim postquam scholares exierint, purgabit, et eam scopâ mundabit, ac postea ostium ejusdem serabit et clavem secum in proximum mane vel quoad scholares in prædictam scholam rursum ingrediantur retinebit, et tunc fores scholæ aperiet.

XXIV.

XXIV.

*Quod nulla sit de Paupere Præficiendo,
Promissio, Advocatio, vel Pollicitatio.*

ITEM, volo, ordino, et statuo, quod nulla fiat promissio sive advocatio vel pollicitatio verbo vel scriptis de aliquo paupere in dictam Eleemosynariam præficiendo ante mortem alicujus pauperis in eâdem. Quod si apertis argumentis hoc factum esse aliquando constiterit, pauper hujusmodi ejiciatur et alius, formâ præscriptâ, per rectorem, vicarium, vel parochum eâ vice libere præficiatur.

XXV.

*Quod æquales sit Virorum et Mulierum
Pauperum Numerus.*

ITEM, volo, ordino, et statuo, quod tam viri quam mulieres pauperes in dictam Eleemosynariam sive Hospitale admittantur et recipiantur: Curentque gardiani prædicti, quoad poterunt, ut æqualis sit numerus

numerus utriusque sexus, nec conjugatus aliquis in dictam domum loco pauperis aliquando recipiatur.

XXVI.

Quod pro quibuscumque Triginta uno Solidis de novo accrescentibus, Supernumerarius Pauper assumatur.

ITEM, volo, ordino, et statuo, quod si quando annui redditus dictæ Eleemosynariæ sive Hospitalis piorum largitione (quod faxit Deus) ad summam triginta unius solidorum, ultra quam nunc est, augeri contigerint, (nisi collatoris voluntate in dictæ Eleemosynariæ usum aliter disponantur) alius dictæ parochiæ pauper in dictam Eleemosynariam sive Hospitale assumatur, aliorum more et æquali stipendio alimentandus et exhibendus, qui prescriptum subibit iuramentum. Et sic pro quantitate fructuum accrescentium, modo summam triginta unius solidorum attingant, crescat in dictâ domo pauperus numerus in perpetuum.

XXVII.

XXVII.

*Quod prohibita sit Pauperibus Utenfiliorum
Alienatio.*

ITEM, volo, ordino, et statuo, quod quilibet pauper, in dictam Eleemosynariam sive Hospitale in futurum recipiendus, statim antequam in dicta Eleemosynariâ pernoctabit, aut aliquod commodum inde percipiet, duos dabit fidejussores idoneos et habiles intra dictam parochiam de Kirkby Ravenswath inhabitantes, qui scriptis intervenientibus fidejubeant sub pænâ quinque marcarum, pauperem sic receptum nihil utenfiliorum aut rerum dictæ Eleemosynariæ sive Hospitalis in suo cubiculo vel alibi existentium, alienaturum, venditurum, mutaturum aut quovis modo deterioraturum, nisi in quantum usus moderatus vel dictorum duorum gardianorum consensus et licentia prius obtenta permiserit. Et quod nihil juris aut proprietatis in utenfilibus rebus et bonis mobilibus dictæ Eleemosynariæ sive Hospitalis sibi aliquatenus vendicabit.

XXVIII.

XXVIII.

De Pauperum Cubiculis, ex Causa mutandis.

ITEM, volo, ordino, et statuo, quod pauperum nunc receptorum et in posterum recipiendorum potentiores et valentiores, siue masculi fuerint siue foeminae in superioribus cubiculis dictae Eleemosynariae siue Hospitalis morentur et pernoctent. Et si quis pauperum potentiorum et valentiorum hujusmodi superius jacentium graviori forsitan morbo vel perpetuâ infirmitate aliquando captus aut detentus fuerit, quæ reliquorum morbum et adversam valetudinem in inferioribus cubiculis jacentium et morantium notorie noscitur superare, volo in eo casu ut cubiculum suum superius mutet cum uno eorum, qui inferius jacent ad limitationem et discretionem dictorum duorum gardianorum, si voluerit et ibidem maneat quoad infirmus prædictus de præfato morbo convalescat, vel de medio sit sublatus.

XXIX.

XXIX.

Statuta Domum concernentia sequuntur.—

Aliquorum Statutorum, sive Clausularum eorundem, exemplar in Ecclesia publice suspendendum.

ITEM, volò, ordino, et statuo, quod præsentium statutorum exemplar seu saltem clausulæ et partes eorundem, quæ guardianos, ludimagistrum, et pauperes prædictos concernunt, et eorum juramenta in pergameno fideliter, scriptum et in vulgari per me translatum in quâdam tabulâ prope altare Sancti Johannis Baptistæ intra dictam ecclesiam parochialem de Kirkby-Ravensthorpe catenâ ferreâ suspendendum et affigendum publice perpetuo permaneat. Eâ intentione ut statutorum prædictorum inspectione et frequenti eorum lectione dictorum guardianorum ludimagistri et pauperum officia et obsequia legentibus sint testatiora.

XXX.

De Cista communi, et ejus Seris.

ITEM, volo, ordino, et statuo, quod sigillum commune, liber compotus gardianorum, munimenta et pecuniæ numeratæ dictæ Eleemosynariæ sive Hospitalis in quâdam cista ad australem partem altaris Sancti Johannis Baptistæ intra dictam ecclesiam parochialem de Kirkby-Ravenfath, vel alibi intra Domum dictæ Eleemosynariæ sive Hospitalis, ubi tutius videbitur custodiri, reponantur et fideliter serventur. Quodque cista prædicta tres habeat seras diversis clavibus feratas, quarum clavium una penes ludimagistrum, et reliquæ duæ penes dictos duos gardianos separatim et divisim perpetuo custodiantur. Ita, quod ne unus solus dictorum gardianorum et ludimagistri absque reliquis cistam prædictam aliquando poterit aperire, vel sigillum librum compotus, munimenta aut pecunias prædictas aliquatenus attrectare. Et si aliquis eorundem ultra septem dies a parochiâ abfuturus sit, clavem suam penes recto-

rectorem, vicarium, vel parochum ecclesiæ in reditum dimittat.

XXXI.

*De Quinque Libris in Cista continuo reman-
suris, mutuo alicui non tradendis.*

ITEM, volo, ordino, et statuo, quod quinque libræ, per me ad usum dictæ Eleemosynariæ donatæ et oblatæ ac in communi cistâ infra ecclesiam parochialem prædictam conservandæ, nulli unquam homini, alicujus rei aut commoditatis gratiâ mutuo dentur, nisi sufficiens pignus pro securâ solutione ejusdem intra sex menses fiendâ, inferatur et tradatur, nec alienentur quovis modo. Sed continuo ad inexpectatam illius Eleemosynariæ necessitatem et usum necessarium quotannis contingentem tantummodo conserventur et custodiantur. Quod si (quod absit) aliquorum inexhaustâ cupiditate a dictâ cistâ aliquando quâvis de causâ contra formam prædictam extrahantur, gardiani et ludimagister prædicti tamdiu debitis salariis per loci Ordinarium

privabuntur quoad pecuniæ prædictæ sic extractæ rursus inducantur, et in pristinum locum ad usum prædictum reponantur. Et in eo casu libera sit ordinario sequestrandorum fructuum facultas. Et quoties lubeat de præmissis inquirat.

XXXII.

De Obitu quotannis in Festo Sancti Hieronymi in Ecclesia servando, et de Distributionibus ibi faciendis.

ITEM, volo, ordino, et statuo, quod quolibet anno in dicto festo Sancti Hieronymi, si dominica non fuerit, alioquin proximo die ex tunc sequenti, solennis fiat obitus, sive commemoratio in dictâ ecclesiâ parochiali de Kirkby-Ravensthwaith, cum “Placabo et dirige,” ac missâ de “Requiem,” pro animabus omnium parochianorum dictæ parochiæ et aliorum in specie supranominatorum, cum cantu et campanarum pulsatione. In quo obitu intersint duo dicti gardiani, ludimagister, hypodidasculus, scholares, et pauperes omnes ipsius
 Eleemo-

Eleemosynariæ five Hospitalis et gardiani ecclesiæ parochialis si voluerint. Qui duo gardiani dictæ Eleemosynariæ five Hospitalis pro hujusmodi obitu dabunt rectori, vicario, five paracho ibidem pro suo labore duodecim denarios, cuilibet presbytero stipendario dictæ parochiæ præsentiquatuor denarios, cuilibet gardianorum ecclesiæ parochialis ibidem interesse volenti quatuor denarios, cuilibet quatuor pauperum Hospitalis prædicti quatuor denarios, ludimagistro octo denarios, hypodidascalo quatuor denarios, aquæbajulo parochiæ octo denarios pro suo labore et campanarum pulsatione; uterque etiam ipsorum duorum gardianorum habebit octo denarios pro obitu prædicto, decem præterea solidi inter pauperes dictæ parochiæ de Kirkby eodem die videlicet unicuique pauperi unus denarius per eosdem gardianos distribuantur et erogentur. Et si quid de proventibus five redditibus dictæ Eleemosynariæ five Hospitalis, peractis præmissis, et dictæ Eleemosynariæ reparationibus, et aliis expensis utilibus et necessariis, tam gardianorum, quam aliorum in domus

E 3 usum

usum laborantium debite ac decenter factis et solutis, supererit, vel si res, animalia, aut alia bona mobilia dictæ Eleemosynariæ five Hospitali piorum donatione legata, donata, collata, aliquove alio legitimo modo acquisita ad valorem quinque librarum, vel ultra se extendant. In eo casu volo, ordino, et statuo, quod dictus ludimagister (nisi interim de subscriptis expensis sibi a me vel ab alio debite provideatur) quinque solidos pro pane, vino, et cerâ in missarum celebratione per eum in anno expendendos, et viginti solidos tantum in augmentum stipendii sui, hypodidascalus vero alios viginti solidos in sui stipendii supplementum; Quilibet vero pauperum quinque solidos et duo gardiani alios viginti solidos inter eosdem æqualiter dividendos statim recipient et habebunt. Reliqua omnia, et singula, seu saltem eorum verus valor in pecuniâ numeratâ, quæ adhuc forte peractis præmissis remanebunt, pauperibus de Kirkby-Ravensth et East-Cowton prædictis et aliarum parochiarum vicinarum die animarum ex tunc sequenti cum consilio gardianorum ecclesiæ paro-

parochialis de Kirkby nullâ ad hoc habitâ populi congregatione aut concursu, ad pauperum hujusmodi domos fideliter mittantur. Sic quod pauperes parochiani de Kirkby et East-Cowton, præsertim qui in dictis parochiis per decennium ad minus habitavere in hujusmodi distributionibus plus duplo quam cæteri parochiani de hujusmodi pecuniis percipiant. Et si prædicti redditus et proventus, ut præfertur, superaccrefcens ad plenam et perfectam solutionem augmentationum et supplementorum præfatis magistro, hypodidascalo, pauperibus et gardianis faciendam non sufficiant, tunc residuum quicquid fuerit, necessariis solutionibus præmissis prius factis, pro ratâ cujuslibet portionis supra limitatæ defalcabitur, et prædictis ludimagistro, hypodidascalo, pauperibus et gardianis pro ratâ prædictâ distribuetur. Ita, videlicet, quod post dictas exequias et supplementa prædicta, distributiones, solutiones, reparationes, et expensas hujusmodi debite et decenter factas et perimpletas, nihil pecuniæ ultra quinque libras in dictâ cistâ pro expensis futuri anni (nisi notoria et

et manifesta immineat necessitas quæ cum dictis quinque libris refarciri et reparari de verisimili nequeat) diutius asservetur.

XXXIII.

De Reparationibus per Gardianos faciendis.

ITEM, volo, ordino, et statuo, quod dicti duo gardiani reparationes congruas et convenientes tam ludiliterarii et cubi-
culi ludimagistri quam cubiculorum pauperum ibidem in tecturâ, fenestris et aliis necessariis, primo quoque tempore fieri facient et procurabunt diligenter.

XXXIV.

Quis Compotum conscribet, et de Custodia Libri Compotus.

ITEM, volo, ordino, et statuo, quod dictæ scholæ hypodidasculus si ad hoc idoneus fuerit, sin minus, quivis alius idoneus rationes et compotus de expositis et receptis per dictos duos gardianos eo anno, et
per

per eosdem forte superiori anno diversis chartis, schedis, et papiris confuse conscriptis in librum ad hoc paratum decenti ordine quotannis rediget et conscribet, ac pro labore suo duodecim denarios a dictis duobus gardianis percipiet. Qui quidem liber statim a redditâ dictâ ratione sive compoto et scripturâ ejusdem, ut præfertur inter munimenta in dictam cistam in proximum annum conservandus reponatur a nemine eo anno postmodum extrahendus nisi necessitas per dictos gardianos et ludimagistrum approbanda aliter exposcat.

XXXV.

De dubiis et ambiguitatibus in Statutis Exponendis.

ITEM, volo, ordino, et statuo, quod si dubium aliquod vel ambiguitas in dictis statutis jam editis vel in posterum per me vel alios auctoritate legitimâ edendis suboriri contigerit, illud quicquid fuerit, per me, Johannem Dakyn, quamdiu vixero interpretabitur, mutabitur, vel de novo
(si

(si ita mihi visum erit) statuetur. Siquid tamen dubietatis post mortem meam contigerit inveniri, illud per loci ordinarium, modo grammaticæ sensus, quoad poterit, conservetur, terminari et interpretari volo.

XXXVI.

De Terris et Redditibus Eleemosynariæ non alienandis, neque usurpandis.

ITEM, si in posterum aliquando contingat, præfatos gardianos, ludimagistrum vel pauperes Eleemosynariæ sive Hospitalis prædicti, vel aliquem eorundem, aliquas de terris, tenementis, redditibus, decimis, proficuis vel commoditatibus, quæ in præsentem ad dictam Eleemosynariam sive Hospitale pertinent, vel in futurum pertinebunt, aliter quam per dimissionem sive locationem eorundem pro termino annorum, et hoc, pro redditu ab antiquo solvi solito, et consueto, distrahere, vendere, impignorare, vel alio quocunque modo alienare vel aliter permittere, ut hujusmodi terræ vel cætera præmissa aut aliqua eorum pars ab aliis

aliis iniuste usurpentur, occupentur, sive detineantur; et dictis usurpatoribus, occupatoribus, sive detentoribus, pro viribus non resistent, et contradicent, necnon contra ipsos, vel eorum aliquem actionem in jure intra unius anni dimidium post hujusmodi attemptata non proponent et instituent; et eandem actionem, sic proponendam, sive instituendam debite et cum effectu de tempore in tempus non fuerint prosecuti: In eo casu, volo, ordino, et statuo, Decanus et Capitulum Ecclesiæ Cathedralis et Metropolitanæ Eboraci pro tempore existens, potestatem habeat et auctoritatem dictos duos guardianos et ludimagistrum prænominatum aut eorum aliquem, præmissa, vel aliquam partem eorundem alienantem vel alienationi hujusmodi consentientem ad eorum libitum expellendi et amovendi, ac alium vel alios dictam parochiam de Kirkby-Ravensthwaith, vel alibi inhabitantes constituendi, qui terras, tenementa, redditus, decimas, proficua, vel commoditates prædictas, et quamlibet partem vendicare et recuperare, et ipsas terras, ac cætera præmissa sic, ut præfertur,

fertur, culpâ et negligentîâ amissa, alienata, usurpata, sive occupata, præfatæ Eleemosynariæ sive Hospitali rursum applicare et restituere, ac defectus et errata dictæ Eleemosynariæ reformare, necnon dictam Eleemosynariam sive Hospitale ad suum pristinum statum, esse, et conditionem, in omnibus reducere et conservare possint et valeant juxta et secundum statuta et ordinationes mei præfati Johannis Dakyn, et aliorum ejusdem Eleemosynariæ benefactorum quorumcunque in hâc parte. Ordino præterea et statuo quod dicti Decanus et Capitulum triginta solidos annuos pro suis in præmissis laboribus impendendis, videlicet, decem solidos ex stipendio dictorum duorum gardianorum, et viginti solidos de salario ludimagistri levandos, quoad Eleemosynaria sive Hospitale prædictum ad pristinum suum statum, conditionem, et esse, reducatûr, percipient et habebunt; quod ubi fuerit, vel si duo habiles parochiam inhabitantes de Kirkby-Ravensth se illud intra certum tempus congrue facturos obligaverint, dictorum triginta solidorum solutio de cætero tunc cessabit.

XXXVII.

*De Statutis Vetustate corruptis de novo
reparandis et scribendis.*

ITEM, si statutorum in vulgarem sermonem per me translatorum exemplar, quod in ecclesiâ parochiali de Kirkby ex causâ rationabili in tabulâ ligneâ affigi, et publice ac perpetuo ibidem suspendi volo, nimîâ forte vetustate corrumpi, aboleri, deleri, aut alio quovis modo extinguere, tolli aut dispungi contigerit, ita quod plane, et intelligibiter videri, et legi nequeant, tunc in eo casu, volo, ordino, et statuo, quod exemplar omnium et singulorum statutorum hujusmodi intra sex menses proxime tunc sequentes de novo fiat, et scribatur, sub pœnâ decem solidorum ex stipendio dictorum duorum gardianorum levandorum et usibus ecclesiæ parochialis de Kirkby-Ravensthwaith applicandorum. Quæ omnia et singula, modo, quo præfertur, jam per me statuta, ordinata, et declarata, et posthac per me ex causa forsan statuenda, ordinanda, et declaranda, perpetuâ firmitate

F

tate et robore gaudere, auctoritate principali mihi in hac parte concessâ, volo, ordino, et decerno per præsentés; nec statutum aliquod præmissorum vel aliquam ejus clausulam sive partem, nisi a me aliquâ de causâ aliter in futurum fuerit statutum, ordinatum, interpretatum, vel declaratum immutari, violari, vel infringi permitto. Sed ea pro individuæ trinitatis gloriâ, et Sancti Johannis Baptistæ honore, sub cujus nomine Eleemosynaria sive Hospitale prædictum fundatur, a quibuscumque observari, et custodiri instantius oro atque obsecro quatenus propensâ atque exactâ eorum observatione, quantum hujus sæculi pauperibus charitatem et pietatem, quantumque juventutis probæ educationi zelum et affectum, ac Christo optimo, maximo, omnium pauperum patrono, et omnibus sanctis reverentiam et timorem gerant, omnibus sit testatum.

IN cujus rei testimonium præmissa omnia et singula manu meâ propriâ scripsi, meque hic subscripsi, ac sigillum Archidiaconatus mei de Est-Riding in Ecclesiâ Cathedrali Eboracensi una cum signo et subscriptione

scriptione Notarii Publici infra scripti apposui. Datæ feriâ secundâ rogationum, videlicet, undecimo die mensis Maii, Anno Domini millesimo quingentesimo quinquagesimo sexto, et annis regnorum Philippi et Mariæ, Dei gratiâ, Regis et Reginae Angliæ, Franciæ, Neapolis, Jerusalem, et Hiberniæ, Fidei Defensorum, Principum Hispaniarum et Siciliæ, Archiducum Austriæ, Ducum Mediolani, Burgundiæ, et Brabantiae, Comitum Hasburgi, Flandriæ, et Tirolis, secundo et tertio.

Per me,

JOHANNEM DAKYN,

Manu propriâ.

FERIA secundâ Rogationum, videlicet, undecimo die mensis Maii, Anno Domini, millesimo quingentesimo quinquagesimo sexto missâ de spiritu sancto ad altare Sancti Johannis Baptistæ intra ecclesiam parochialem de Kirkby-Ravensth Cestrensis diœceseos situm per magistrum Johannem Dakyn Legum Doctorem Archidiaconum

Est-Riding, in Ecclesiâ Cathedrali Eboracensi dictæ ecclesiæ parochialis de Kirkby rectorem, cum cantu primitus celebratâ. A missâ finitâ dictus magister Johannes Dakyn concionem habuit maternâ linguâ ad populum numerosâ multitudine in dictâ ecclesiâ congregatâ, cujus thema erat “nisi Dominus edificaverit domum, &c.” postquam concionem finitam dictus magister Johannes Dakyn, et clericus ejusdem parochiæ præcedentes, ac parochiani sequentes processionaliter circuierê ecclesiam parochialem prædictam, et postea Domum Eleemosynariæ sive Hospitalis Sancti Johannis Baptistæ prope cœmeterium dictæ ecclesiæ parochialis sitam ingredientes, idem magister Johannes sacrum Christi evangelium secundum Lucam incipiens, “non est enim arbor bona, quæ facit fructus malos,” &c. altâ voce personabat, et statim ecclesiam prædictam intrantes, dictus magister Dakyn, recitatis quibusdam collectis, et orationibus, in superiorem quendam locum dictæ Eleemosynariæ sive Hospitalis, quem ad communem aulam dictæ domus destinauerat, ascendit; et ibidem ostensâ primitus, et perlectâ licentiâ Dominorum Regis

gis Philippi et Reginae Mariæ Regum Angliæ eorum magno sigillo, ut apparuit, in cerâ viridi sigillatâ, ejusque sensu vulgari linguâ per eundem magistrum Johannem Dakyn lucide et intelligibiliter astanti plebi declarato, idem magister Johannes animo, ut apparuit, deliberato auctoritate sibi a dictis Dominis Rege et Regina in dictâ licentiâ concessâ dictam Domum in Eleemosynariam sive Hospitale Sancti Johannis Baptistæ de Kirkby-Ravensthwaith verbo tenus erexit, et ipsam domum per nomen, et sub nomine Eleemosynariæ sive Hospitalis Sancti Johannis Baptistæ de Kirkby-Ravensthwaith perpetuis futuris temporibus voluit appellari et nuncupari, duosque guardianos, unum præceptorem, sive magistrum scholarium, et pauperes juxta prædictam sibi concessam licentiam eligi, nominari, et ordinari, voluit et decrevit; ad quorum duorum guardianorum electionem descendens a dictâ communi aulâ ipse cum quatuor dictæ ecclesiæ parochialis guardianis in vestibulum ejusdem ecclesiæ intravit, et clauso ibi ostio in præsentia mei notarii publici, et domini Willimi Hutton, ipsius ecclesiæ parochi tractatum habuit,

cum eisdem de sex viris gravioribus et honestioribus, parochianis ejusdem parochie nominandis, quorum duo pro futuro tunc biennio ad dictæ Eleemosynariæ gardianatus officium, formâ infra scriptâ elegerentur, qui invicem aliquandiu ibidem consultantes nominaverunt Johannem Wycliffe generosum, Johannem Brignell, Richardum Laifield, Robertum Atkinson, Willimum Smithson, et Georgium Winde, dictæ parochiæ inhabitantes et parochianos, quos ad dictum munus obeundum aptos et idoneos fore existimabant, et tunc statim ascitis et vocatis viris prædictis, cæteris omnibus amotis et exclusis, me præfato notario publico et Domino Willimo Hutton exceptis, prædictus magister Johannes Dakyn aulam communem dictæ Eleemosynariæ rursus ascendit, et eorum sex virorum nomina in præsentia mei dicti notarii in quandam urnam lapideam cerâ rotundâ ad modum pilarum ejusdem formæ divisim conscripta, involuta, simul et confuse mittebat, atque urnam prædictam coopertam sursum deorsumque volitans, et manum suam, averso visu, intro-mittens duas de prædictis pilis, quas fors obtulit,

obtulit, extraxit, in quibus nomina Johannis Brignell et Willimi Smithson erant scripta, quos duos pro futuro tunc biennio guardianos esse decrevit, et præfatum Dominum Willimum Hutton capellanum in præceptorem sive magistrum scholæ grammaticalis, ac Willimum Barthram, tunc ex justâ causâ absentem, Willimum Ramshaw, Agnetem Bolton, et Margaretam Tinkler, præsentem in pauperes dictæ Eleemosynariæ sive Hospitalis nominavit et præfecit; atque dictos duos guardianos, Dominum Willimum Hutton, et pauperes prædictos, separatis jurementis corporalibus in quodam libro statutorum dictæ domus conscriptis oneravit, tunc ibidem. Et incontinenti dedit eis sigillum Eleemosynariæ commune ex ære confectum circum-sculptum, ut apparuit, his verbis, “ Sigillum Eleemosynariæ Sancti Johannis Baptistæ de Kirkby-Ravensthaw,” pro negotiis dictæ Eleemosynariæ in posterum gerendis et expediendis, ac statuta quædam et ordinationes per ipsum latine concepta in præsentem libro pergameni conscripta et sigillo Archidiaconatus sui Est-Riding prædicti, ut apparuit, sigillata pro dictæ domus, et
mini-

ministrorum in eisdem gubernatione et regimine eisdem gardianis præceptori et pauperibus tradidit et liberavit, salvâ semper sibi facultate eadem statuta et ordinationes pro arbitrio suo, quamdiu vixerit, corrigendi, reformandi, mutandi, vel cassandi, juxta licentiam regiam sibi in eâ parte concessam. Quibus ordine præmissis gestis, dicti gardiani præceptor et pauperes ordinauerunt et constituerunt Johannem Linley, tunc præsentem et alios eorum factores et attornatos per eorum literas sigillo communi dictæ Eleemosynariæ five Hospitalis tunc publice sigillatas et traditas ad recipienda et accipienda quæcunque, terras, tenementa, decimas, et hæreditamenta, a dicto magistro Johanne Dakyn, seu alio quolibet dictæ domui tradenda et concedenda, ac in possessionem eorundem, ad usum et utilitatem dictorum gardianorum, præceptoris et pauperum et Eleemosynariæ five Hospitalis prædicti intranda et accipienda juxta formam literarum per eosdem gardianos, præceptorem et pauperes eidem Johanni Linley et aliis, ut præmittitur, factam.

Et

ET incontinenti dictus magister Johannes Dakyn nonnulla, chartas, scripturas, munimenta, de et super terris, ecclesiarum decimis, et hæreditamentis suis, per eum, ut asseruit, iuste acquisitis manibus dicti Johannis Linley ad usum dictæ Eleemosynariæ sive Hospitalis sponte et lubenti animo dedit, contulit, et donavit. Quæ instrumenta præfatus Johannes Linley a manibus dicti magistri Johannis Dakyn recipiens absque morâ præfatis gardianis præceptoris et pauperibus ad usum eorum et Eleemosynariæ sive Hospitalis prædicti rursum reddidit et liberavit: Quæ quidem instrumenta et munimenta una cum quinque libris in auro per dictum magistrum Johannem Dakyn ad dictæ Eleemosynariæ usum tunc donatis, ac aliis rebus, et instrumentis in communem cistam intra dictam ecclesiam parochiæ de Kirkby collocata per eosdem duos gardianos et præceptorem reposita erant et recondita, dictamque cistam tribus feris quarum claves erant dictis duobus gardianis et præceptoris separatim traditæ in præsentia mei dicti notarii publici serabant et claudebant, præsentibus, tempore erectionis, juramentorum præ-

præstationis, figilli communis, instrumentorum, et auri traditionis, venerabilibus viris Willimo Wycliffe, Johanne Wandisford, Rogero Burghe, et Johanne Dudley, armigeris; Johanne Layton, et Johanne Wycliffe, generosis; Willimo Brian, Johanne Henrifon, et Richardo Cath, laicis, et aliis quam plurimis.

Et ego Robertus Bothomlay, Eboracensis diœceseos publicus sacrâ auctoritate apostolicâ notarius, quia præmissis, licentiæ regiae declarationi, et Eleemosynariæ sive Hospitalis Sancti Johannis Baptistæ prædicti erectioni, et gardianorum ejusdem electioni, nec non præceptoris sive magistri scholarium, et pauperum dictæ Eleemosynariæ nominationi et præfectioni, sigilli quoque communis, et statutorum ejusdem domus traditioni, ac instrumentorum, chartarum, munimentorum, et quinque librarum liberationi, dum sic, ut præfertur, per dictum Johannem Dakyn mense, die, anno, et locis prædictis agebantur et fiebant, una cum prænominatis testibus ipsis, personaliter interfui: Eaque omnia et singula sic fieri vidi, et audiui. Ideo præ-

sentes

sententes literas testimoniales manu meâ propriâ scriptas et subscriptas una cum appensione sigilli dicti magistri Johannis Dakyn, Archidiaconatus sui Est-Riding prædicti exinde confeci, publicavi, et in hanc publicam formam redegi, signoque et nomine meis solitis et consuetis signavi, rogatus et requisitus in fidem et testimonium omnium et singulorum præmissorum.

{ Posui Deum
{ Adjutorem meum. }

Inscriptio in Schola.

OMNIS sancti edificii status, sicut Deo operante proficit, sic Deo custodiente consistit. Tunc enim utilis est præpositorum custodia, cum spiritus Dei populo suo præsidet, et non solum greges, sed etiam ipsos dignatur custodire pastores.—Augustini de sententiis.

Domus hæc impensis Willimi Knight, olim Bathoniensis et Wellensis Episcopi, est constructa ad laudam et gloriam Dei. 1556.

In-

*Inscriptio in Ecclesia Parochiali de Kirkby-
Ravenswath.*

JOHANNES Dakyn hujus ecclesiæ rector,
ac reverendi patris divini Willimi Knight,
olim Richmondiæ Archidiaconi, et postea
Bathoniensis et Wellensis Episcopi, execu-
torum unus, hanc de bonis dicti Episcopi
primum fundavit Eleemosynariam, et eam
redditibus competentibus pro unius ludi-
magistri, hypodidascali, quatuor pauperum,
et annui obitus perpetuâ exhibitione curâ
et diligentia duorum gardianorum faciendâ
dotavit, anno a Christo nato millesimo
quingentesimo quinquagesimo sexto.

Obiit dictus Johannes } nono die mensis No-
vembris, Anno Do-
mini millesimo quin-
gentesimo quinquage-
simos octavo.

F I N I S.

